



# Kommuneqarfik Sermersooq

Isumaginninnermut, Suliffeqarnermut Inuussutissarsiornermullu  
Ingerlatsivik  
Forvaltningen for Velfærd, Arbejdsmarked og Erhverv

Ulloq /Dato :08. juni 2015

Brevnr.: 2015-1-03-1977

Journal nr.:

Departementet for Erhverv, Arbejdsmarked og Handel  
Postboks 1601  
3900 Nuuk

**Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. Oktober 1992-imeersup allannguuteqartinneqarnera pillugu allagaqaatit Kommuneqarfik Sermersuumit tiguneqarput, (Sulisitsisut pinngitsooratik suliffissanut nittartakkamik atuinissaat) Kommuneqarfik Sermersuup tusarniaanermut akissuteqaataa**

Tusarniaanermi matumani Kommuneqarfik Sermersooq ilanngussaqaarsinnaanissamut periarfissinneqarami qujassuteqarpoq. Tusarniaaneq 18. maaji 2015 tamanut saqqummiunneqarpoq. Tusarniaanermi akissuteqarnissamut 22. juuni 2015 killigitinneqarpoq.

Kommuneqarfik Sermersooq (KS) siunnersuummut makkuninnga oqaaseqaatissaqarpoq:

KS aallarniutigalugu oqaatigerusuppaa, atortussat (Qarasiaasatigut atortut, skærmit, harddiskit printerillu) ikkussuunneqarneranut kommunimut aningaasartuuteqartoqarsinnaammat, atortummi immikkut innaallagissatigut ikkussuunneqarnissaat pisariaqassammat. Taamatullu qarasiaasianut immikkut iikkamik/iikkanik pilersitsinissaq pisariaqassalluni, suliffissaaleqisunit atorqeqaarsinnaasunngorlugit. Qarasaasiatigut atortut kommunini inissitassanngorlugit Namminersorlutik Oqartussanit pissarsiarineqarnikuupput.

Suliffissaaleqisut suliffissarsiuussisarfimmiit, aalajangersimasumik suliffittaarsinnaanissaat periarfissatigut pitsaanerulissaaq, toqqaannartumik suliffissanut nittartakkamut isersinnaalernerisigut. Allannguutissatullu siunnersuutip kingunerissavaattaq, avataaniit sulisussanik atorfinitsitsisoqartinnagu, taakku suliarinerini sulisussarsiorsimanerit uppenarsaruminarsissammata, sulisitsisummi pinngitsooratik suliffissanut nittartakkamik atuinissaannik allannguutissatut siunnersuut kinguneqassammat.

Taamaattumik kommune allannguutissatut siunnersuummut isumaqataavoq.

Inussiarnersumik Inuulluqqusillunga

Malene Lyngø, siulittaasoq  
Isumaginninnermut, Suliffeqarner-  
mut Inuussutissaqarnermullu Ata-  
atsimiititaq  
ataatsimiitsitaliami siulittaasoq

Grethe H. Nielsen, pisortaq  
Isumaginninnermut, Suliffeqarnermut  
Inuussutissarsiornermullu Ingerlatsiv-  
immi pisortaq